

LETTRE

DV VRAY

SOLDAT

FRANCOIS

AV CAVALIER GEORGES:

EN SVITTE DE LA LETTRE,

A M^R LE CARDINAL,
BVRLESQVE.



A PARIS,
Chez DENYS LANGLOIS, au mont S. Hilaire,
à l'Enseigne du Pelican.

M. DC. XLIX.
AVEC PERMISSION.

LETTRE

DE VRAY

SOLDAT

FRANÇOIS

A CAVALIER GEORGES

EN VILLE DE LA LETTRE

A M^{LE} CARRIAGE

BARRISQUE



A PARIS

Chez D^{NS} LANCROS, au Salon de Peinture
à l'Académie de Peinture

M. DE LIX
AVEC PERMISSION

LETTRE

D V

SOLDAT

FRANCOIS

AV CAVALIER GEORGES:

EN SVITTE DE LA LETTRE

A M^R LE CARDINAL,
BVRLESQVE.



Orr qu'il s'en aille, ou qu'on le chasse,
Enfin il va quitter la place,
Et nous n'auons plus peur icy,
De ce Ministre Cramoizy.
Amy George, vaille que vaille,
Il faut que cét homme s'en aille!

A ij

944.03

M475m

No. 2207

872331

Encor qu'on dit qu'il ait esté
 A Rüel, comme Deputé;
 Ce n'est pas vne consequence
 Qu'il soit en plus grande assurance:
 Au contraire, ce coup hardy
 Le doit enuoyer au Landy.
 Nous pouuons respirer à l'aise,
 Et, quoy que cela luy déplaise,
 Il nous est permis de railler,
 Et mesme en pieces le tailler:
 l'entens avec la plume & l'ancre,
 Non pas comme le Marquis d'Ancre,
 Qui, pour ne s'estre retiré,
 Fut par le Peuple déchiré.
 Mon humeur n'est pas si crüelle;
 Qu'il soit fâcheux, qu'il soit Rebelle,
 Qu'il ait volé tout, & tout pris,
 Argent, Charge (& non pas Paris)
 De cela point ne me tourmente,
 Je n'ay point l'ame assez sanglante
 Pour le vouloir pousser à bout,
 Je ris, ie raille, & puis c'est tout:
 Et, si j'auois quelque autre enuie,
 l'attens tout de la Prophetie.
 Selon que les choses iront,
 Que les Rouges Rouges feront,
 Selon la franchise ou le piège,
 Que de S. Germain iusqu'au Liege,

Le

Le simple Rouge trouuera,
Nous ſçaurons où l'on en fera.
Noſtradamus, ce galand homme,
Quoy qu'il en ſoit, veut qu'on l'aſ-
ſomme,
Ou n'auoir dit que par hazard
Ce qu'il a dit de Iacques Stuart.
Quant à moy ie conſens qu'il viue,
Pourueu qu'en trois iours il eſt-
quie,
Et laiſſe viure les François,
Selon leurs façons & leurs loix.
S'il croit eſtre ſi neceſſaire,
Qu'on ne puiſſe vuidier d'affaire,
Sans ſuiure ſon bon iugement,
Il ſe trompe, & bien lourdement.
Il n'eſtoit pas le ſeul au monde
Dont l'experience profonde
Pouuoit conduire cét Eſtat,
Nous en auons dans le Senat,
Qui ſont d'vne autre experience,
Et de plus, gens de conſcience,
Gens ſages, non intereſſez,
Et qui, dans les ſix ans paſſez,
Malgré les efforts de l'Eſpagne
Auroient rétably la Campagne;
Tout ſeroit calme, & les Amours
Feroient ka ka dans les Tamb-

Ou (puisqu'aujourdhuy l'on s'auiſe
 D'auoir des Ministres d'Eglise)
 Des Abbez & des Cardinaux
 Qui couurent tout de leurs Chapeaux
 Sans aller chercher en Sicile,
 Nous en auons en cette Ville
 Le grand Gondy, cét autre Paul
 Est bien pour le moins de ce vol:
 Je croy que ce second apostre
 Sans flatter, en vaut bien vn autre;
 Et nostre ieune Potentat
 Seroit plus fort dans son Estat,
 S'il se seruoit de ce grand homme.
 (Quitte pour enuoyer à Rome)
 S'il falloit vn chapeau pourprin
 Pour succeder au Mazarin)
 Il en tireroit auantage;
 Comme il n'est pas encor en âge
 Il n'auroit point de deshonneur
 Pour souffrir vn COADIVTEVR,
 Mais vn Coadiuteur habile,
 Qui tout seul en vaut plus de mille,
 Qui ne l'auroit point enleué,
 Mais qui l'auroit bien conserué,
 Qui l'auroit gardé d'embuscades,
 Car si, autres, de Baricades,
 Le mal ne seroit point

Que si dans quel qu'autre Prouincè;
 On veut chercher à nostre Princee
 Vn Ministre pour le besoin,
 Il ne faut point aller si loin:
 Gaillon nous garde vñ Politique,
 Qui sçait l'vsage & la pratique,
 De tout ce qui se fit iamais,
 Ou dans la Guerre, ou dans la Paix.
 Il sçait les mœurs & les affaires,
 Et les Coûtumes étrangères;
 Il sçait ce quil faut faire icy,
 Et ce qu'on fait ailleurs aussi:
 Il n'ignore rien dans l'Histoire,
 Tout est present à sa memoire;
 Il sçait Aristote & Platon,
 Il sçait par cœur son Xenophon,
 Bodin, Philippes de Comines,
 Mieux que Vespres & que Matines:
 Et, comme il a grand souuenir,
 Il peut iuger de l'auenir,
 Et preuoir par cette science
 Ce qui peut affermir la France,
 Et ce qui la peut émouuoir:
 C'est de ces gens qu'il faut auoir.
 Aussi bien, feu George d'Amboise,
 De là haut, nous cherchera noïse,
 Si Harlay, son meilleur amy,
 N'est son successeur qu'à demy.

Il faut que la Reyne Regente
 Luy face retourner La Mante,
 Et luy donne le même éclat
 Qu'vt ce grand Ministre d'Estat.
 Lors nos Armes seroient heureuses,
 Elles seroient victorieuses,
 Et l'on connétroit par ce choix,
 L'effet d'un Ministre FRANÇOIS.

Enfin nous ne manquons point
 d'hommes,

Et parmy tous tant que nous som-
 mes,

Le moindre de nos Citadins
 Vaut plus de quatre Mazarins.

Ce choix fut vne Raillerie;
 Je ne sçay quelle enchanterie,

Ou quel sort, pour le dire mieux,
 A trompé si long-temps nos yeux.

Hé quoy! souffrir sept ans en France,
 Vn fat qu'on traite d'Eminence,

Qui se donne tout le pouuoir,
 A qui chacun rend le deuoir,

Qui souffre à tout'heure à sa veuë,
 Des Cordons bleus la teste nuë,

Et dont les moindres estafiers
 En deux ans se font Financiers;

Qui pille toutes nos Prouinces,
 Qui se fait obeïr des Princes,

Et de-

Et deuant qui nos Souuerains
 N'ont que des tiltres bas & vains!
 N'est-ce pas vous prendre pour Bestes
 Peuples timides que vous estes?
 Hé! comment l'avez-vous souffert
 Sans le perdre, puis qu'il vous pert.
 Si, par la puissance diuine,
 Nous n'eussions couppé la racine
 Au mal qui nous alloit gagner,
 Cét insolent alloit regner,
 Et nostre sage & bonne Reyne,
 Auroit enfin vû la gangrenne
 Pourrir & ronger tout à plat,
 Les Restes du Corps de l'Estat.
 Desia tout estoit en desordre,
 Par tout il trouuoit de quoy mordre,
 Et S. Cloud, Meudon, & Lagny
 Ne sont pas mieux que Lezigny,
 C'estoit peu que par sa puissance,
 Il eût rauy nostre finance,
 Falloit, pour le gorger de biens,
 Donner encor curée aux fiens,
 Et les enfler par les Ruïnes,
 Et des Guizards & des Luïnes,
 Afin qu'à ce mal sans pareil
 On ne peût mettre d'appareil.
 Mais il n'est point de maladie
 Où le bon Dieu ne remédie;

Au defaut du secours humain
 Il nous preste toujourns la main,
 Aimant mieux qu'un seul homme
 tombe,
 Que tout un Royaume succom-
 be,
 N'estant porté que des desseins
 D'un Atlas qui n'a plus de Reins.
 Aussi le Ciel nous en déliure,
 Et permet le passage au Viure:
 Deformais tous nos Habitans
 Verront reuenir le bon temps;
 Ils vont reparer les domages,
 On a débouché les passages,
 Et nous auons (pour la saison)
 Farines ou blés à foison.
 Malgré leur iniuste Cabale,
 Nous voyons de tout à la Hale,
 Auec Brochets ou Brochetons,
 Qui viennent de diuers Cantons,
 Ou de la pesche de nos Riuës,
 Nous auons encor force Vi-ues,
 Rayes & Solles & Carlets,
 Et du Merlan pour nos Valets,
 Encores dans trois iours l'espere
 Que nous ferons meilleure chere,
 Car, dans ce temps là, Dieu mercy,
 Nous auons des Huitres aussi,

Huitres, ce Ragoult delectable
 Qu'on a point seruy sur la table,
 Depuis que Iules Mazarin
 Les gobe toutes en chemin.
 Mais nous en auons la vengeance,
 Puis qu'il va quitter la Regence,
 Et que la Reyne (à ce qu'on dit)
 Luy donne congé par écrit.
 Que Dieu maintienne cette Reyne,
 Qui va deuenir Souueraine,
 Et qui ne veut plus partager
 Son pouuoir avec l'Etranger;
 Ayant maintenant connessance,
 Que qui partage sa puïssance,
 En est reduit à la moitié,
 Et puis après c'est grand pitié:
 Le Roy n'est plus qu'un corps sans
 ame,
 La Reyne est comme vne autre
 Dame,
 Aussi-tost que l'Autorité,
 Qui fait toute la Royauté,
 Sous le titre de Ministère,
 Passe en vne main estrangere,
 Et sur tout quand vn Fauory,
 Orgueilleux de se voir chery,
 Sans demander l'ordre du Prince,
 Fait l'un Gouverneur de Prouince,

L'autre Secrétaire d'Estat,
 L'un Officier, l'autre Prelat,
 Bref agit selon son caprice,
 Bien souvent contre la Iustice,
 Et rait à son Souuerain
 Le Sceptre qu'il a dans la main.
 Apprenez que la seule marque,
 Qui peut rendre vn Prince Mo-
 narque,
 Est le pouuoir de faire Bien,
 Sans cela, le Prince n'est rien.
 Car si la marque souueraine
 N'estoit qu'à faire de la peine,
 Qu'à causer ou mort ou tourment,
 Tous seroient Roys également:
 Car en tous Estats, en tout Aage,
 Le moindre homme peut faire ou-
 trage,
 Et peut ainsi (par cette Loy)
 Disputer la grandeur au Roy.
 Donc le pouuoir de la Couronne
 Ne git pas à blesser personne,
 Mais bien à faire des faueurs,
 Ce qui n'est dû qu'aux grands Sci-
 gneurs;
 Et nous voyons avec merueilles,
 Ce bel ordre au Roy des Abeil-
 les,

A qui

A qui Nature, ce dit-on,
 Ne donne iamais d'aiguillon :
 Pour cela, dans les Monarchies,
 Sur vn beau principe établies,
 Les Iuges, ou les Parlements,
 Disposent seuls des châtimens :
 Le Roy leur laisse la Iustice,
 Et prend le soin du Benefice;
 Il leur permet de condamner,
 Et ne s'occupe qu'à donner,
 Ne voulant monstrier sa puissance,
 Qu'en ordonnant la Recompence,
 Et qu'en faisant, sans interêt,
 Honneurs ou Biens à qui luy plaît.

Et cependant tous nos Ministres,
 Par des subtilitez sinistres,
 Vsurpent ce qui fait les Roys,
 Eleuant bien souuent, sans choïs,
 L'Estranger & le Parazite,
 Au point qui n'est dû qu'au merite,
 Et qu'aux naturels du païs.

C'est ce qui fait qu'ils sont hais,
 Que les plus heureux ne vont guere
 Iusqu'au bout de leur Ministère,
 Et que sans estre regrettez,
 Souuent dans des lits empruntez,
 Ils perdent ce reste de vie
 Qu'ils ont sauué de la furie,

Ou bien peut-estre du gibet.

O ! Arrest de six cent dix sept !

Pourquoy ne t'a-t'on pas fait met-
tre

Dedans Paris en grosse lettre !

Pourquoy ne t'a-t'on pas graté

En tous lieux, public & priué !

Le pauvre & miserable Iule,

Qui seroit reduit à la mule,

Ne seroit pas si haut monté,

Mais il seroit en feuréré.

Il auroit leu cette sentence

Qui l'exclut des Charges de Fran-

ce,

Et, n'estant point de peur transi,

Il seroit mieux, & nous aussi.

Si quelqu'un marche sur sa trace,

Et vient pour occuper sa place,

Soit Etranger, ou bien François,

Qu'il y pense plus d'une fois !

Car ie connois la populace,

C'est vne dangereuse race,

Elle ne veut plus voir Paris

A la mercy des Fauoris :

Et, tant s'en faut qu'elle y con-
sente,

Tel qui n'a que cent francs de
rente,

En donnera iusques au quart,
 Pour n'estre plus à tel hazard.
 Mesinement, chez nostre voisine,
 Vne seruante de cuisine
 Offre déjà son demy-sein;
 Elle sçait le nom de Varin,
 Et se prepare avec joye,
 De le porter à la Monnoye,
 N'en deût-on faire que dix francs;
 Protestant, les mains sur ses flancs,
 Qu'elle mettra iusqu'à la maille,
 Pour éloigner cette canaille,
 Et pour ne plus reuoir iamais
 Tous ces Ennemis de la Paix.
 Bref, dans Paris il n'est personne
 Qui ne contribuë, & ne donne,
 L'un de l'argent, l'autre des coups,
 Pour les écarter loin de nous.

Aussi, n'est-ce pas mocquerie!
 Nous endurons la tyrannie:
 Vn inconnu nous fait la loy,
 Ie sçaurois volontiers pourquoy?
 N'est-ce pas assez d'un Monar-
 que?
 Et, s'il faut quelqu'homme de mar-
 que
 Pour ayder nostre ieune Atlas,
 Soit de la teste, soit du bras,

Tous nos Princes sont bons & sa-
 ges,
 Par leurs Conseils & leurs Coura-
 ges
 Ils peuuent soutenir l'Estat
 Bien mieux que ne fit cét ingrat,
 Qui va bien-tost leuer le siège,
 Sous pretexte d'aller en Liège,
 Ou traiter dans le Pays-Bas;
 Encore ne le sçait-on pas.
 Ses intrigues sont sans pareilles;
 Mais il fera plus que merueilles
 S'il entre iamais dans Paris,
 Encores qu'il l'ait entrepris,
 Et que, mesme à la Conference,
 Il ait, contre toute apparence,
 Signé le troisiéme au Traité,
 Quoy qu'autrement fust arresté.
 A cela ie n'ay rien à dire,
 Si ce n'est qu'il faut craindre pire,
 Et que, si l'on biffait l'Arrest,
 (Ce qui ne sera, si Dieu plaist)
 Paris seroit sans garentie;
 Nonobstant la Sainte Amnistie:
 A moins que de son mouuement,
 Par conseil, ou bien autrement,
 Ce Forfante enfin ne s'en aille,
 Il faut craindre la Reprézaïlle.

Beau-

Beaucoup feroient fanglez tout net;
 Sans que ny Robbe, ny Bonet,
 Ny le Bureau, ny l'Ecarlatte,
 Se pussent sauuer de sa patte;
 Et lors nos Bados de Paris,
 Sans estre assiegez, feroient pris.

Mais ce n'est qu'une Réuerie,
 Je dis cecy par Raillerie,
 Et quoy qu'on puisse craindre tout,
 Son plus grand effort est au bout.
 Il faut qu'il s'en aille, & i'espere,
 Que par conduite, ou par colere,
 L'aisné d'Armand dans peu de temps
 Luy donnera la clef des champs.
 I'entens pourueti qu'il nous échappe,
 Car vne fois si l'on l'attrappe,
 Si dans les Champs il est trouué,
 Il peut bien dire son *Salut*,
 Et son *In manus* tout en suite,
 Autrement il n'en est pas quitte,
 Comme chante le Triolet,
 Si vous sçauiez bien le Couplet,
 Fait sur l'homme à la grosse panse,
 Qui n'a plus la Sur-Intendance.
 (Par parentheze) il est fort bien,
 Le Drolle n'a soucy de rien.
 Pendant qu'icy chacun se congne,
 Il fait bonne chere en Bourgogne;

Encor ne fait-il pas tant mal,
 Et fit mieux que le Cardinal,
 On croit pourtant que l'un vaut l'autre ?
 Adieu, ie suis

SERVITEUR VOSTRE.

LONGIN TOYPIN!

FIN.

A Paris, dans le Champ de Mars,
 Ce matin quinziesme de Mars,
 L'an que Condé, quoy qu'en colere
 Ne batir point son petit Frere.

IAM-

IAMBICVM.

Fugiat ne ab Vrbe, dubius, an maneat miser;
Laqueis, volutâ mente, diuersis, stupet.
Effugere tentat; sed viam Excubia negant:
Manere; Patrum, at, Ille, Diphtheram timet.
Ecquid moraris, anxius? tempus teris!
Finire laqueos, vnus, hos, laqueus, potest.

JAMERICAM

[Faint, illegible handwriting]